

Das Erste Buch.

Wie man soll rechnen den mitteln vnd
waren lauff der Planeten.

S Um ersten soll ein je-
der wissen / was die zwölff zeychen
des Himmels sein / Als nemlich der ganze
ymbkreis des Himmels wirdt außgetheylet in zwölff
gleiche theil / der theil ein jedes ein zeichē bedeut. Dar-
nach ein jedes zeichen wirt getheylet in 30. grad. fer-
ner ein jeder grad in 60. Minuten / vnd ein jede Mi-
nuten in 60. Secunden. Darumb so merck / wann du
in deiner zusammen lesung mehr als 60. secunden hast /
so schreyb minuten vnter die minuten / vnd souil mal
du 60. minuten hast / so solt du allweg für 60. minuten
einen grad vnter die grad schreyben. Weyter so dir
30. grad entspringen / solt du allweg für 30. grad ein
zeychen vnter die zeychen schreyben. Widerumb / so
offt dir zwölff zeichen entspringen / so wirff allweg 12.
zeychen / von den zeichen hinweg / vnd was als
dann bleybet / das behalt / es sein zeychen / grad / minu-
ten oder secunden.

Das